

## ANGKATAN MUDA

“Kalau kita menggunakan istilah angkatan muda, janganlah pembaca hubungkan dengan “umur” muda sebagai ukuran:

Bukan ukuran umur, tetapi ukuran jiwa dan semangat! Tidak sedikit pemuda Islam yang cara berfikirnya tua dan lebih mundur dari orang tua.

Pemuda yang seperti itu hanya kerjanya mencari muka di mana-mana mahu disukai oleh segala golongan.

Pemuda yang seperti itu, kerjanya hanya menjilat untuk mencari pangkat atau mata benda yang dekat.

Bukan pemuda yang seperti itu yang kita panggil mempelopori perjuangan!”

Demikian kata Tuan Isa Ansari dalam karangannya yang bersemangat ini – P. Q.

(oleh Muhammad Isa Ansari)

Dua tahun lalu di tempat kediaman Datuk Bandar Jakarta Raya pernah dilangsungkan pertemuan oleh golongan angkatan 45, iaitu golongan pelopor dan pembela pengisytiharan kemerdekaan Indonesia.

Semua aliran dan keyakinan dari bermacam-macam parti dan pertubuhan hadir dalam pertemuan itu.

Pokok masalah yang dijadikan bahan perjuangan ialah meninjau hasil pemberontakan dan mencari jalan yang membolehkan bagi melanjutkan perjuangan kita supaya dapat menegakkan Islam dan bahagia bagi segenap rakyat bangsa kita.

Masing-masing telah mengemukakan penyelidikan dan pandangannya, dengan cara yang lain-lain tetapi dengan hati terbuka.

Saya berasa bahagia dapat mengikuti pertemuan itu, dan mendapat kesempatan bagi mengemukakan penyelidikan dan pandangan saya menghadapi soal bangsa kita.

Kesan yang timbul dalam hati saya ialah pertemuan itu adalah pancaran sinar kesedaran baharu dalam kalangan angkatan muda kita. Dalam pertemuan itu saya melihat cara berfikir yang berlain-lainan. Yang demikian itu ialah kerana berlainan tempat berdiri dan persimpangan keyakinan hidup.

Walaupun hasil yang nyata tidak didapati, namun pertemuan yang demikian itu telah memberikan pengertian yang baik bagi segenap golongan hadirin.

Angkatan muda mulai menilik dirinya kembali dan mencari kepastian dalam bentuk dan haluan perjuangan bagi mengisi kemerdekaan. Dalam masa yang akhir-akhir ini nampaknya ada kesedaran baharu dalam kalangan angkatan muda Indonesia. Dalam kalangan angkatan muda ada didapati pemberontakan jiwa terhadap keadaan jiwa yang gelisah serta resah, rasa tidak puas dan kecewa. Semuanya itu ialah tanda-tanda yang kelak akan

menemui jalan dan bentuk yang pasti.

Rasa yang puas terhadap angkatan tua kurang mendapat layanan dalam pergerakan Islam pun kita melihat di sana sini ada kesedaran dan kebangkitan baharu. Tidak puas cara kaum tua memimpin perjalanan cita-cita. Tidak puas melihat cara kaum tua mengendalikan perjuangan.

Jika angkatan muda bergolak dan memberontak hendak menggantikan kaum tua atau sedikitnya hendak memudahkan pimpinan perjuangan.

Aliran dan gerakan yang demikian itu layak mendapat penghargaan, jika ia didasarkan kepada kesedaran, faham dan pengertian, keikhlasan dan ketulusan.

Kaum angkatan muda hendaklah menunjukkan kemampuan, kecekapan dan kesanggupan memberikan pandangan yang jernih dan pimpinan yang benar dalam soal-soal perjuangan.

Kaum angkatan muda hendaklah menyedari kedudukannya di tengah-tengah perjuangan ini. Bukan sahaja hanya dorongan semangat yang meluap-luap, hendak beramai-ramai mencari pangkat dan kedudukan, beramai-ramai hendak ikut berkuasa untuk kekuasaan.

Kaum angkatan muda hendaklah tampil ke depan, rasa tanggungjawab atas jalannya sejarah.

Kaum angkatan muda hendaklah memberi jawapan kepada tantangan yang diberikan zaman kepadanya.

Kaum angkatan muda hendaklah menjadi pelopor, barisan yang di hadapan sekali dalam perjuangan.

Pelopor menegakkan persatuan, membina kekuatan umat Islam dalam perjuangan ini.

Sebagai barisan pelopor kaum angkatan muda hendaklah mendidik dirinya sendiri, sedaya hangus dan binasa bagi kepentingan cita-cita.

Sebagai barisan pelopor kaum angkatan muda hendaklah “fanakan” dirinya sendiri bagi mencapai

## JUMLAH PENDUDUK DUNIA

### MENURUT BANCI TAHUN 1955

Jumlah penduduk dunia dalam tahun 1955 yang lalu menurut banci “Pertubuhan Bangsa-Bangsa Bersatu” ialah sebanyak 2,652 juta orang iaitu :

Asia (kecuali Soviet Rusia)	1,451 juta
Afrika	210 “
Amerika	357 “
Eropah (kecuali Eropah Timur)	404 “
Soviet Rusia dan takluknya	214 “
Australia dan New Zealand	144 “

kesempurnaan perjuangan.

Sebagai barisan pelopor yang masih segar, jernih serta murni, kaum angkatan muda hendaklah memberikan tauladan yang baik, cara bagaimana menggalang ganti kesatuan dan kekuatan, cara bagaimana menegakkan kesungguhan dan kebijaksanaan dalam perjuangan.

Kaum angkatan muda hendaklah memiliki kecerdasan faham yang mendalam.

Kaum angkatan muda hendaklah memiliki kecerdasan faham Islam yang betul.

Berfikir secara kritis dan maju, menjadi “anak zaman” yang tangkas dan perwira, mempunyai jiwa kepahlawanan yang pantang menyerah.

Kaum angkatan muda hendaklah menjadi “pahlawan Islam” yang sejati.

Pemuda Islam zaman kita hendaklah berani maju ke muka memahamkan soal-soal perjuangan umat kita masa-masa yang akan datang.

Kaum angkatan muda hendaklah berani memutuskan

tali yang merentangi dan menyebabkan belum wujudnya kesatuan perjuangan di kalangan umat Islam.

Kaum angkatan muda yang demikian itulah yang berhak mengadakan “perhitungan” dengan kaum tua yang menyimpang haluan perjuangannya.

Dalam tangan kaum angkatan muda terletak amanah dan “*Risalah al-Kubrā*” (tanggungjawab yang besar – P.), yang wajib mereka tegakkan dengan segenap pengorbanan yang boleh mereka berikan.

Kaum angkatan muda hendaklah membentangkan jalan persatuan, syarat mutlak yang wajib dimiliki oleh kaum muslimin. Undang-undang perjuangan menuntut wujudnya kekuatan dalam kalangan umat Islam sendiri, kalau tidak, umat Islam akan menemui sejarah kehancuran bagi sekian kalinya.

Adakah umat Islam kita masih mempunyai golongan angkatan muda yang berwatak dan bersifat seperti yang kita gambarkan di atas? – Yang sungguh-sungguh menyedari kedudukan sebagai memegang amanah dan risalah?

Jawab atas pertanyaan yang tersebut terserahlah kepada golongan angkatan muda itu sendiri.

Kalau kita menggunakan istilah angkatan muda, janganlah pembaca hubungkan dengan “umur” muda sebagai ukuran.

Bukan ukuran umur, tetapi ukuran jiwa dan semangat! Tidak sedikit pemuda Islam yang cara berfikirnya lebih tua dan lebih mundur dari orang tua.

Pemuda yang seperti itu hanya kerjanya mencari muka di amna-mana mahu disukai oleh segala golongan.

Pemuda yang seperti itu, kerjanya hanya menjilat untuk mencari pangkat atau mata benda yang dekat.

Bukan pemuda yang seperti itu yang kita panggil mempelopori perjuangan!

## Pejuang Islam Dalam Kenangan

Dalam denyutan nafas menggerak langkah  
banjir barat datang muncurah  
mencengkam menjajah .....  
seluruh rakyat murba dirasuk sudah

Besar pengaruh bermain keadaan  
makin merebak tak mungkin ditahan  
yang tertindas – dihimpit malang  
kersanglah tempat kecintaan – berpijak sayang

Aduhai Tuhanku!  
dimanakah pejuang Islam bersemadi  
- gema suci pada pertiwi .....  
pernah terkulai tak bermaya lagi  
matilah layaknya senyap sepi .....

Wahai alim ulama dan zua’ma  
kini alam Islam – kalam suram  
apa sudahnya – pernah segala peristiwa  
jadi pujaan

Gilang gemilang di alam maya ini  
tetapi ..... tak ada satu yang mencetus tiba  
sedih pilu robohan moral rakyat murba  
aqabah agama – tatasusila  
terus banjir barat mengalir melimpah tebing merata-rata  
Nusantara

Tetapi kalau iman sudah mendalam  
Api cinta – cinta pada pertiwi – kian menyala  
faham revolusi menuju maya – bahagia  
tersenyum ibu pertiwi, di padang keredhaan Ilahi.